

Téerí ana fa bíní Saŋ ra Kúnsée (Saame : Kúnsée 1 Saŋ)

Wodoha

¹ So' mi njiídí jaŋaa dé', mi na wodoh do fi Belaa* Koope tanis ro ra doni koyyu, don fa faha' mi kah-kah ra. Funi af so' neh kep daa fahuu ron, ndaa bëewë yúhú kaah ra bééβ fahuute ron, ² ndah kaaf ka ee yen na te ri ay home na faraah.

³ Koo Boffa a Yéesú-Kiristaa Koy Boffa ay yen líh mal, teeβ yen naa'-keeñ, on yen jaamma yen fa na pesuu filiβ kaaf ka ñéerë' a fahanta' ra.

Kaaf ka a fahanta'

⁴ Keeñ so' sosse ní sos ola' mi biti filiβ fi koyyu, lahte na yi pesuu kaah ti di túuyë' rí yen Boffa nen. ⁵ Leegi daa mi na dŋaŋ do yii bee Yaa ow : yen bokun bééβ yen fahanta' hanndal ki yen. Yee bíní mí rë baa ra nék dī túuyë' has neh ; dī bee liilu yen dalaanin da. ⁶ Fahanta', daa ri pesa' túuyë' yí Koope, te túuyë'ë yoodu don dalaanin da naha' biti don pesuun fahanta'.

⁷ Don ot mi won don yii bah, biti i feloh caak tasaaruute feey fa, wa kaa'uute biti Yéesú-Kiristaa acce hente ow. Wa fi yaa i feloh,

* **1:1** 1.1 Belaa 'Belaa na wonuu dee ra, bëewë habuu ri biti dī janjii hom filiβ gin. Koyya daa wa bëy ílí janjii baaha.

wa kaa'oh yi Kiristaa. ⁸ Kēli affon toñeh don ay ñake iña légéyú yen da. Don wafti liilun waafon liilo níi mit sēk !

⁹ Bēyí fí pokaay yēeddē' yí Kiristaa ñeya yin kay raa, noneh Koope na. Bēyí fí pokoh yēeddē' yí nék, non Boffa a Koy ka na. ¹⁰ Ow ac don na yēeddí ron yin kay raa nék, ngēnē hēbí rí faamon, ngēnē tēhí dīi na sah, ¹¹ ndah bēyí tah dīi na deef habra'te ri iñi bossa na paŋ ri ra.

Takanta'a

¹² Lahte iñi caakki mi mín don waa won koon, ndaa daa mi fahaay waa bíní kéet. Mi lahte yaakaari biti may ac ginon, yen olanta' yen won, hen daa raa keeñni yen bok sos níi sos.

¹³ Koyyi koy-yaafee† ke ro Koope tanis ri ra bal na woduu ro.

† **1:13** 1.13 Koyyi koy-yaafee na wonuu dee ra daa wa bëy ili jaŋaa non Saŋ ra.

Séréel Ndút: Unni Koope

Ndut: Séréel Ndút: Unni Koope (New Testament+)

copyright © 2020 Wycliffe Bible Translators, Inc.

Language: (Ndut)

Contributor: Wycliffe Bible Translators, Inc.

All rights reserved.

2020-11-20

PDF generated using Haiola and XeLaTeX on 21 Feb 2024 from source files dated 29 Jan 2022

a3a1238b-9393-5875-a4c5-1d3f38537bfe